

Idi oojai ooji Uudasi vaavoitudadami

1 ¹ Aana arUudasi suculida Jacovo daida arpiooñigada Suusi Cristo. Ganoojidi aana idi oojai aapima ganvllatara ismaacada Diuusi garooga oigadai dai acovai vuvaitu sai lagidiña vai Suusi Cristo nuucada. ² Aana ipalidi isDiuusi soigalliadagi aapimacada dai ganiibastudacan tadacagi, dai ganoigladagi.

³⁻⁴ Giñaaduñi aliasi ipaliditadai aana isganoojidagi ganaagida inñalidi aana isducatai cllagacara garvuvaitu Diuusi silasi aapima acaasi aana lara. Dai sivi aliasi glaagai isganoojida aana gandaañlidatai masai maidagitona ganvaavoidaraga dai vuidara avavallataca amamaatatuldiadami yaatavogami ismaacada gansaagida vapacadagi. Diuusi garmaatutuli istumaasi vaavoitudai aatama. Aatama arDiuusi maamarada dai maitlaagai tasdagituagi garvaavoidaraga ismaacada garmaa Diuusi dai ama maasi vaavoitudagi. Amamaatatuldiadami yaatavogami gansaagida vaapa maitanaagidacai ismaitanapan duucai vaavoitudai lagi. Lagi maicla tuutuiga dai googosi ganducami dai ama duucai aagai Diuusi ñiooquida dai pocaiti sai Diuusi cllagacara nidi oodami dai sai soigallidi oodamicada dai sai oigaldi soimaascamigada sai cascada casistutuidi istomasduucai oidacagi. GarDiuusiga ismaacada lagidi aatama dai gartlaanadamiga Suusi Cristo lagi gajiaadara vipieeyi. Llaqui ooja Diuusi ñiñoquituldiadamigada dai aagai isducatai Diuusi soimaasi taatatulda lagi lagi ismaacada pomaasi ivueeyi.

⁵ Tomasi camaata aapima aana vllascara gantagitolda inñalidi iducatai idui Diuusi ajudidíucada lagi cllagacara vuvaitu Ejiipitu dlvllariañdara dai gooquilara dagito sai coona oidigana lagi ismaacada maivaavoitu.

⁶ Dai gantagitolda inñalidi aana lara isducatai Diuusi tatlaañicaruda dagito ganguvucadaga dai vuvuaaja tavaagiañdara. Vai Diuusi maamaisaca dai tomali amo imidagai maivuvaida lagi. Diuusi nanara isajiagi lla tasai silascada soimaasi taatatuldia lagi lagi vllasi gosoimaasi ivuaadami vai aaga lagi lagi isducatai soimaasi taatatulda lagi. Diuusi maamaisaca lagi siaaco tomastuigaco tucagamucana. ⁷ Dai gantagitolda inñalidi aana lara isducatai soimaa taatatuli Diuusi Sodomara dai Gomoorara oidacami dai sicoli oidacami. Lagi googosi ganducamicana anpan duucai arDiuusi tatlaañicaruda ismaacada maialagi Diuusi. Cascada lagi ootoi loodami siaaco tomastuigaco taiyara daraajagi lagi. Imaasicada gartatlagidi Diuusi isducatai ivueeyi lagi soimaasi ivuaadamicada.

⁸ Amamaatatuldiadami yaatavogami anpan duucai ivueeyi ajudidíu dai arDiuusi tatlaañicaruda dai arSodomara dai Gomoorara oidacami tomasi camaata lagi isducatai aradui lagaicada. Vllascara googosi ganducami dai maialagi tomali amo tlaanadami, dai sigalnaasi ñioocai

Diuusi tatl̄aañicarud̄a vui ismaac̄ad̄a ʌgidi Diuusi. ʌgai pocaiti sai Diuusi mamaat̄tul̄di coosigad̄ar̄a sai casc̄ad̄a poduuc̄ai ivueeyi ʌgai. ⁹ D̄amos aid̄asi Migili Diuusi tatl̄aañicarud̄a t̄laan̄damigad̄a ʌmadu ʌDiaavora ḡan̄vupui ñiño aagaitai soor̄a b̄l̄quia ʌgai Moseesacaru tuucugad̄a aid̄asi muu ʌgai. ʌMigili siaa duutudai Diuusi ismaac̄ad̄a ʌrt̄laan̄dami v̄ʌascatai casc̄ad̄a maisigalnaasi ñioo ʌgai ʌDiaavora vui, tomasi ʌDiaavora sigalnaasi ñiooqui aagidi. D̄amos ʌMigili pot̄at̄ad̄ai ʌDiaavora: “Diuusi ḡʌbagaidamu”. ¹⁰ D̄amos ʌmamaat̄tul̄diadami yaatavogami siigalnaasi ñiooqui aagai Diuusi tatl̄aañicarud̄a vui, dai googosi ḡanducami dai aipaco ḡancocodaiña mait̄ʌgitoitai istumaasi ʌp̄aduña ʌgai ʌgaic̄ad̄a vai casc̄ad̄a Diuusi soimaasi taatatulda ʌgai.

¹¹ Siʌʌ soimaa taatamu ʌgai. ʌgai maiʌʌgidi Diuusi ʌpan duuc̄ai Caín maiʌʌgi Diuusi. Daid̄a ʌmamaat̄tul̄diadami yaatavogami mosgamamaat̄tul̄di istumaasi mait̄ʌrvaavoi. Goovai ʌraa duiñdada ʌgai. Poduuc̄ai ivueeyi ʌgai gamait̄ʌc̄ada ʌl̄iditai tumiñsi ʌpan duuc̄ai Balaam gamamaat̄tul̄diña istumaasi mait̄ʌrvaavoi dai poduuc̄ai gamait̄ʌc̄iña tumiñsi. Daid̄a ʌmamaat̄tul̄diadami yaatavogami maiʌʌgidi ʌt̄ʌt̄laan̄dami ʌpan duuc̄ai Coré ʌmadu aa duiñd̄a maiʌʌgi t̄ʌt̄laan̄dami casc̄ad̄a ugidagai ʌgai. Poduun̄imu ʌp̄ʌ ʌmamaat̄tul̄diadami ismaac̄ad̄a maiʌʌgidi ʌt̄ʌt̄laan̄dami. ¹² Siʌʌscada ḡan̄ʌmpaidiada aapima dai ʌmapai gacuaadagi gat̄ʌgida ʌl̄iditai m̄ʌsḡanoiḡad̄ai aipacoga ʌmamaat̄tul̄diadami yaatavogami mosarsiaa ʌraragai aapima ḡan̄vʌʌtar̄a. ʌgai mosnavaacor̄ai aapima ḡansaagida dai maisiaa duutudai tomali ʌmaadutai. Dai ʌgai mosʌʌgi gacuaadana dai mait̄ʌnt̄gito n̄aidiña isviʌʌgacagi aa. ʌgai mait̄ʌrsoiñi ¹³ dai naana maasi sigalnaascami ivueeyi siaa ʌraraca maasi casc̄ad̄a ʌgai maic̄ʌgadu isgamamaat̄tul̄diadagi dai Diuusi ootosamu m̄ʌʌca siaaco tomastuigaco tucagamucana.

¹⁴ ʌʌqui ʌmo Diuusi ñiooquitul̄diadamigad̄a Enoco t̄ʌʌgiducami aagai isducatai ʌp̄aduña ʌgai ʌmamaat̄tul̄diadami yaatavogamic̄ad̄a. Enoco ʌrcajiudad̄a Adán. Adán ʌrvisiolida Enoco visiolida. Daid̄a Diuusi ñiooquitul̄diadamigad̄a pocaiti: “Diuusi divia ʌgai ʌmadu mui gat̄ʌt̄laañicaru, ¹⁵ dai pot̄ʌiya ʌgai sai v̄ʌasi ʌsoimaasi ivuaadami maiimia ʌgai Diuusi ʌmadu ʌgai ivueeyi mui naana maasi soimaascami dai ʌl̄iasi vui ñioocaiña Diuusi casc̄ad̄a soimaa taatatulda ʌgai ʌgai. ¹⁶ ʌmamaat̄tul̄diadami yaatavogami pocaiti sai maibaiḡan̄l̄idi dudunucami vui, dai isʌmo istumaasi soimaascami ʌp̄aduñiagi ʌgaic̄ad̄a ʌgai ḡʌp̄iar vuupaiña aa, dai ʌgai ivueeyi v̄ʌasi istumaasi soimaascami istumaasi iduñia ʌliada, dai ḡʌḡar̄a ñioocai dai pocaiti sai v̄ʌasi istumaasi ivueeyi ʌgai vaamioma c̄ʌʌgadu siistumaasi ivueeyi aa, dai v̄uaamunaidana ʌgai oodami dai poduuc̄ai voopoidiña ʌmo istumaasi”, asc̄aiti Diuusi ñiooquitul̄diadamigad̄a.

¹⁷ Damos aapima giñaaduñi gantagitovurai islaqui pocaiti Suusi Cristo ojootosada: ¹⁸ “Siascada cayoga ugitiagi oidigi amoco ganparunadamu daida ivuaadamu istumaasi soimaascami istumaasi ipaliadagi dai maitivuaadamu istumaasi Diuusi ipalidi”, ascaiti ojootosada. ¹⁹ Daida amamaatatuldiadami yaatavogami aragai dai agai gancocotuldi aipacoga, daida ivueeyi istumaasi soimaascami istumaasi ipalidi, dai Diuusi Iblada maiamadu daja agai.

²⁰ Damos aapima giñaaduñi calgavar vaavoitudada Diuusi ñiooquida dai poduucai maata oidaca isducatai Diuusi ipalidi, dai gamamadavurai aapima siDiuusi Iblada gansoicadamu. ²¹ Vascara avartagitoca isDiuusi ganoigadai dai baigavar anliada ganoigadaitai Diuusi, dai tagitovurai ara isamo imidagai ajia agai istuigaco vascara oidacamu aatama Diuusi amadu. Suusi Cristo soigalidi aatamada cascada.

²² Soigavar anliada gaicada ismacada maicaga maata istumaasi arcagaducami tomali soimaascami, ²³ dai gnaagavurai dai calgacara vuvaida vai poduucai maiimia agai Diaavora amadu. Dai soigavar anliada ara soimaasi ivuaadamicada dai maitaagai masbaiganliada gaicada ismacada ivuaadagi agai, ganuucadacavurai dai maipomaasi ivuaada aapima ara.

²⁴⁻²⁵ Mosalia amaadugava Diuusi dai alia saituduga agai. Dai agai calgacara garvuvaidi Suusi Cristo gartaanadamica muu aatama garvatar cascada. Agai istutuidi isgansoiñagi vai camaisoimaasi ivuaadagi aapima dai gnvaidaquiagi siaaco daja agai caoigaldicami vasi gansoimaascamica dai baiganliadamu aapima. Aana ipalidi isloodami vaavoitudagi islaqui abiaadara dai sivi dai vascara Diuusi araga baitaacami tami oidigi daama dai tvaagiar, dai agai taana vasiaacatai, dai aliasi gaagai issiaa duutuada aatama agai.

Mosacaasi.